



Republika e Kosovës

Komuna e Drenasit

Kuvendi i Komunës



Nr. 060/04-59469 dt. 16.12 2024

## PROCESVERBAL

**I mbledhjes së rregullt të Kuvendit Komunal të Drenasit, mbajtur më 29.11.2024, duke filluar në orën 10:00.**

Mbledhjen e kryesoi kryesuesi i Kuvendit Bekim Lestrani dhe deklaroi të hapura punimet e mbledhjes së rregullt të Kuvendit Komunal, ku të pranishëm ishin 28 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri - Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Blerina Gashi (PDK), Valentina Leku (PDK), Manushaqe Mulaku (PDK), Kosovare Halilaj- Karaxha (PDK), Sali Dvorani (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Filloreta Bujupi (VV), Drin Halilaj (VV), Egzona Terrdevci (VV), Muhamet Kurtaj (VV), Arbër Halilaj (GREEN), Beqir Kiqina (AAK), Egzon Qorri (LDK), Sali Dvorani (DD).

**Munguan:** Florentina Elezi (LVV), Mergim Pirraku (DD) dhe Mirlinda Dvorani (PDK).

**Të pranishëm ishin edhe:** Kryetar i Komunës Ramiz Lladrovci, Arben Shala nënkryetar i Komunës, drejtorë të drejtorive, përfaqësues të KFOR-it, përfaqësues të OSBE-së, përfaqësues nga Zyra e informimit.

Prezent ishin 28 anëtarë të Kuvendit Komunal.

Mbledhja filloi punimet me këtë

### Rend dite:

1. Procesverbali i mbledhjes së rregullt i Kuvendit Komunal Drenas më 31.10.2024;
2. Propozim-vendim për shfuqizimin e vendimit për transfer të mjeteve financiare, subvencione dhe transfere me nr. 02-400/01-47954, më 30.09.2024;
3. Propozim-vendim për shfuqizimin e vendimit për ndryshimin e emrit të projektit me nr. 02-400/01-46220, më 19.09.2024;
4. Propozim-vendim për miratimin përfundimtar të Raportit të komisioneve komunale për vlerësimin e dëmeve nga fatkeqësitë natyrore dhe fatkeqësitë e tjera;
5. Propozim-vendim për krijimin e komisionit i cili do të ndihmojë dhe t'i rekomandojë Kryetarit të Komunës në lidhje me vlerësimin e kërkesave të pranuar për dhënie të pronave me negociim;
6. Të ndryshme.

**Kryesuesi i Kuvendit Komunal Bekim Lestrani**, përshëndetje për të gjithë, fjalën e merr Egzona.

**Egzona Terdevci**, unë propozoj që pika katër të na vijë në një seancë tjetër, ku ne e shohim raportin, kjo çka ka ardhur është vetëm propozim-vendimi, edhe nuk e kemi të çartë kujt sa ju ka vlerësuar dëmi. Dy vendimet e para ju kemi thënë edhe me herët ku ka propozime për shfuqizim të vendimeve është mirë me i dërguar me materiale dhe vendimet si po shfuqizohen normal që mundemi me i gjet të seancat e më hershme, po nuk është problem për juve me i mbledh edhe me i dërguar si materiale të kompletuara.

**Kryetari i Komunës së Drenasit Ramiz Lladrovci**, tha se, sa i përket pikës së katër, ne kemi vetëm me miratuar si Kuvend as nuk bëjmë vlerësim, sepse ato i bënë Qeveria, sa i përket vendimeve për kthimin e ligjshmërisë i kemi ndryshuar me vendimet e fundit edhe duhet me i anuluar ato të më hershmet.

**Egzona Terdevci**, tha së këtu po shkruan Raporti përfundimtar i komisioneve komunale, pra komisionet janë të Komunës unë nuk po kërkoj asgjë, thjesht po dua me ditë sa ju ka vlerësuar dëmi.

**Drejtoresha e Bujqësisë Anita Avdullahu**, tha se komisioni ka bërë vlerësimin në bazë të kërkesave të qytetarëve nuk kanë qenë vetëm kërkesa të dëmeve në bujqësi në përgjithësi vlerësimi është bërë në bazë të çmimoreve të tregut dhe kjo shkon për komisionin qendror të Zyrës së Kryeministrit, është një material voluminoz nëse je e interesuar mundesh me shikuar për se cilin veç e veç mundeni me ardhur dhe ua prezantojmë.

**Kryesuesi i Kuvendit Komunal Bekim Lestrani**, hodhi në votim rendin e ditës ,dhe rendi i ditë kaloi me **26 vota” Për”, Kundër” 2, “Abstënim” 0**

**Kryesuesi i Kuvendit Komunal Bekim Lestrani** hapi për diskutim pikën 1: Procesverbali i mbledhjes së rregullt të Kuvendit Komunal të Drenasit më 31.10.2024,pasi nuk pati vërejtjeje as diskutime pika e parë e rendit të ditës kalon më vota unanime.

**Kryesuesi i Kuvendit Komunal Bekim Lestrani**, hapi për diskutim pikën 2:Propozim-vendim për shfuqizimin e vendimit për transfer të mjeteve financiare, subvencione dhe transfere me nr. 02-400/01-47954, më 30.09.2024.

Pasi nuk pati vërejtje as diskutime, **Kryesuesi i Kuvendit Komunal Bekim Lestrani**, hodhi në votim pikën 2:Propozim-vendim për shfuqizimin e vendimit për transfer të mjeteve financiare, subvencione dhe transfere me nr.02-400/01-47954, më 30.09.2024, **Kryesuesi konstatoi se më 26 vota” Për”, Kundër” 2, “Abstënim” 0, u miratua pika dytë e rëndit të ditës**

**Kryesuesi i Kuvendit Komunal Bekim Lestrani**, hapi për diskutim pikën 3:Propozim-vendim për shfuqizimin e vendimit për ndryshimin e emrit të projektit me nr. 02-400/01-46220, më 19.09.2024.

Pasi nuk pati vërejtje as diskutime, **Kryesuesi i Kuvendit Komunal Bekim Lestrani**, hodhi në votim pikën 3, **25 vota” Për”, Kundër”0 , “Abstënim” 2 kaloi pika e tret rëndit të ditës.**

**Kryesues i Kuvendit Komunal Bekim Lestrani**, hapi për diskutim pikën 4: Propozim-vendim për miratimin përfundimtarë të Raportit të komisioneve komunale për vlerësimin e dëmeve nga fatkeqësitë natyrore dhe fatkeqësitë e tjera.

Pasi nuk pati vërejtje as diskutime, **Kryesuesi i Kuvendit Komunal Bekim Lestrani** hodhi në votim pikën 4: Propozim-vendim për miratimin përfundimtarë të Raportit të komisioneve komunale për vlerësimin e dëmeve nga fatkeqësitë natyrore dhe fatkeqësitë e tjera. Me **24 vota” Për”, Kundër”0 , “Abstënim” 4 kaloi pika e katër e rëndit të ditës.**

**Kryesuesi i Kuvendit Komunal Bekim Lestrani**, hapi për diskutim pikën 5: Propozim-vendim për krijimin e komisionit i cili do të ndihmojë dhe rekomandojë Kryetarit të Komunës në lidhje me vlerësimin e kërkesave të pranuar për dhënien e pronave për negociim.

**Egzona Terdevci**, tha unë i kam lexuar kërkesat që na keni dërguar dhe ka raste se kur për të njëjtën pronë është më shumë se një ofertues në këtë situatë nuk me duket e drejtë që me u bërë dhënia e pronave në shfrytëzim. Ne si VV-je, jemi kundër dhënies së pronave në shfrytëzim për 99 vjet, sidomos për pompa, markete që ka mjaftueshëm në Drenas që nuk sjellin asnjë përfitim. Tjetra nëse janë më shumë se sa dy kërkesa nuk është e drejtë me bërë negociim se diku i hyjmë në hak në emër të VV, propozoj që, mënyra e dhënies së pronave në shfrytëzim të bëhet me ankand publik pasi po thonë që jemi Komunë transparente.

**Kryetari i Komunës së Drenasit Ramiz Lladrovci**, tha se ky është një komision që formohet nga Kuvendi, ju propozoni anëtarët sipas ligjit, PDK-ja 2 anëtarë, DD-1 anëtarë, VV-1 anëtar, LDK-ja 1 anëtar, AAK-ja 1 anëtarë, GREEN-1 anëtarë, ka sa ju takojnë unë i kam dy prej ekzekutivit edhe prej shoqërisë civile, për dhënien e pronave vendos Kuvendi, Kryetari nuk jep pronë.

**Egzona Terdevci**, tha se krahasimi me një projekt zhvillimor si është Paraku i biznesit, me këto pronat që i jep për me ndërtuar klient për fushat e me i mirëmbajt shoqëritë që i ke nuk është me vend le të mbetet në vlerësimin tënd.

Rruga nuk po bëhet se nuk është kryer shpronësimi, kur kryhet shpronësimi bëhet ka buxhet të ndarë edhe për këtë marr përgjegjësi se nuk është kryer shpronësimi. Njërin prej pronave që e ke në listën në ofertë për me dhënë në shfrytëzim listën e pronave paraprake nuk mundesh me dhënë në vitin 2024, se parcelat në Kishnarekë i ke hekë qysh po donë me jep një pronë që se ke në listë.

**Kryetari i Komunës së Drenasit Ramiz Lladrovci** tha se, kjo pronë nuk është listë për dhënien e pronave në shfrytëzim, po është në mbrojtje e kemi cekë edhe në mbledhjen e kaluar. Sa i përket shpronësimit të rrugës Komoran, Drenas, Gllobar, jeni duke e mashtruar opinionin mundesh me hyrë në gjeo portal e shoh se jemi e vetmja komunë që e kemi futur në gjeo portal rrugën katër korsi që është e shpronësuar 27-28 metra gjërësi, e neve na duhen 17 metra për me e kryer punën. Edhe Kryeministrit ja kemi kujtuar kur kemi pasur takim me kryetarët e komunave edhe ministrat e infrastrukturës, sepse është e vetmja rrugë që nuk ka gjakderdhje financiare, por nuk kanë vullnet me përfunduar këtë çështje.

**Mehdin Salihu**, kryesues e kam një vërejtje të përfaqësimi i subjekteve në hartimin e këtij komisioni. DD-ja, duhet të ketë edhe një anëtar nuk është e drejtë në mënyrë shtatë asamblist të jemi të barabartë me të tjerat parti që e kanë nga një anëtar.

**Arbër Halilaj**, lidhur me këtë pikë tha se, mua me vjen mirë që janë 22 kërkesa për dhënien në shfrytëzim afatgjatë nga kompani mjaft serioze që do të ishte mirë të investonin në komunën tonë. Mirëpo kjo që po thirremi të Ligji nr.06L092 neni 11, e drejta e negocimit shfrytëzohet në rastin kur investimi është së paku 10% e buxhetit të përgjithshëm të vitit paraparak për investime kapitale, po janë edhe dy pika tjera të cilat besoi nuk i eliminojnë edhe investitorët tjerë që parashtrajnë investime nën atë vlerë.

Nëse me kujtohet në 2023, është gjashtë milion e gjysmë buxheti për investime kapitale, mirëpo pika 3.2 d.m.th nëse biznesi planifikon të hapet është biznes në interes të Komunës, ose në 3.3 në rastet kur ka interesim për marrjen e pronës së Komunës nga pala e cila nuk ka pasur interesim 3 vitet e fundit ku mundë të thirremi edhe në këto dy pikat tjera dhe mos të eliminojmë asnjërin nga ofertuesit. E di që është përgjegjësi ekskluzive e Kuvendit me të dhënë pronat, një nga format është kjo një negociim që unë e siguroj sikur formë transparente dhe jam që të jemi pjesë e këtij komisioni duke mos pasur me këto gabime që po behën praktike gjithmonë që GREEN është gjithmonë mbas LDK-së dhe AAK-së.

**Kryetari i Komunës së Drenasit Ramiz Lladrovci**, tha se, unë po kërkoj me të formuar një komision për me të shqyrtuar këto kërkesa me të rekomanduar, mua me intereson me pas miratimin e të gjithëve.

**Azemine Gjoka**, besoi mjafton një kandidat nuk ka nevojë me shumë nga radhët e DD.

**Valentina Leku**, nga grupi i PDK-së kemi dy propozime, Gani Krasniqi dhe Laurita Muhadri-Bujupi.

**Marigona Bazaj**, nga grupi i DD-së, propozojmë për anëtare Azemine Gjoka.

**Filloreta Bujupi**, nga grupi LVV-së, propozojmë anëtare Egzona Terdevci.

**GREEN-Arbër Halilaj**, anëtar.

**LDK-Egzon Qorri**, anëtar.

**AAK-Beqir Kiqina** anëtar.

**Kadire Tahiraj**, anëtare nga Shoqëria Civile.

**Arigon Sinani**, unë e propozoj Qendrim Mulen.

**Kryetari i Komunës së Drenasit Ramiz Lladrovci**, tha se, nuk ka propozime prej palës së tretë, propozimet janë prej grupeve ashtu si u dakorduat, ekzekutivi propozon Arben Shalen dhe Kadire Tahiraj anëtare nga Shoqëria Civile.

**Arigon Sinani**, nuk ka të drejtë asambleisteja nga radhët e PDK-së, që po thonë se nuk është me PDK-në, në bazë të KQZ-së, nuk është konsultuar me askënd prej neve, por nëse e keni bërë për pazare të juaja ajo është diçka tjetër.

**Kryetari i Komunës së Drenasit Ramiz Lladrovci**, propozimet se kush me fol në emër të grupit e përcakton shumica pra zonja në fjalë është apo nuk është shefe e grupit pak rëndësi ka

kush donë me e votuar komisionin që do ta ndihmon punën e voton dhe kush ka fakte për pazare dëshmoni në polici.

**1.Arben Shala**, anëtar nga Ekzekutivi;

**2.Gani Krasniqi**, anëtar nga PDK-ja;

**3. Laurita Muhadri-Bujupi**, anëtar nga PDK-ja;

**4.Azemine Gjoka** anëtare nga DD-ja;

**5.Egzona Terdevci**, anëtare nga VV-ja;

**6.Arbër Halilaj**, anëtar nga GREEN;

**7.Egzon Qorri**, anëtar nga LDK-ja;

**8.Beqir Kiqina**, anëtar nga AAK-ja;

**9.Kadirc Tahiraj**, anëtare nga Shoqëria Civile.

**Kryesuesi i Kuvendit Komunal Bekim Lestrani**, hodhi në votim pikën 5: Propozim-vendim për krijimin e komisionit i cili do të ndihmojë dhe rekomandojë Kryetarit të Komunës në lidhje me vlerësimin e kërkesave të pranuar për dhënie të pronave me negocim. **Me 24 vota” Për”, Kundër”2 , “Abstënim” 1 kaloi pika e pestë e rëndit të ditës.**

**Kryesuesi i Kuvendit Komunal Bekim Lestrani**, hapi për diskutim pikën 6: **Të ndryshme.**

**Egzona Terdevci**, të lutem gjuhën jo parlamentare mos me lejuar, mos me qenë duke udhëhequr dikush tjetër pasi jeni zgjedhur kryesues bëjë detyrën që të takon. Kam një çështje për drejtorin e Drejtorisë së Arsimit Muhamet Gjokën, që në shkollën “Dëshmoret e Drenicës” në Çikatovë të vjetër janë ankuar se kanë mungesa të hapësirës dhe kabinete të kimisë, të fizikës, biologjisë që i kanë shndërruar në klasa njëjtë edhe kabinetin e informatikës për të cilën kanë thënë që është shumë e ftohtë si klasë. E di që nuk është direkt vetëm kompetencë e Komunës por a jeni në rrjedha për këtë çështje edhe a keni mundur me bërë diçka.

**Drejtori i Drejtorisë së Arsimit Muhamet Gjoka**, tha se në buxhetin e vitit të ardhshëm është planifikuar një masë buxhetore për ndarjen e klasave kabineteve në mënyre që minimumi 60% të shkollave të punojnë me një ndërrim që të krijojmë kushte për mësimin tër ditor në projektin e vitit të ardhshëm.

**Egzona Terdevci**, çmoi përpjekjen për mësim tër ditor, por e shohë që nuk je i informuar për gjendjen në Çikatovë se nuk po e din si është. Ata po ankohen se kanë mungesë të hapësirave të mësimi, pra kabinetet janë detyruar me i bërë klasa ato e kanë gjendjen e keqe të ftohtë, po e kuptoi qëllimin e mirë për mësimin tër ditor, po derisa të behët mësimi tër ditor ato klasë që nuk e kanë gjendjen e mirë a mundemi me bërë diçka për me i rregullua.

**Drejtori i Drejtorisë së Arsimit Muhamet Gjoka**, tha se, ne po flasim për krijimin e hapësirave për mësim me një ndërrim, mësimi me një ndërrim do të jetë parakusht dhe është planë i Drejtorisë së Arsimit. Në shkollat ekzistuese do t’i bëjmë intervenimet e nevojshme që të mundësojmë mësimin me një ndërrim, po ashtu edhe mësimin tër ditor por për shkaqe të infrastrukturës ende nuk po mundemi me filluar.

**Egzona Terdevci**, a duhet me i sakrifikuar kabinetet me i shndërruar në klasa mos te kishte kabinete për me mbajtë mësim tërë ditë, a duhet me sakrifikuara sallën e arsimtarëve me improvizuar në korridor. Unë jam për mësim tërë ditë veç se pari është dashtë se cila klasë ishte dashur të këtë një objekt ku mundet me u zhvilluar mësimi edhe për mësimdhënësin edhe për nxënësin, e pastaj me menduar për mësim tërë ditë nëse nuk ka hapësirë të mjaftueshme nuk po me duket e drejtë.

**Drejtori i Drejtorisë së Arsimit Muhamet Gjoka**, vetëm mos t'i ngatërrojmë, unë e thashë si parapërgatitje aty ku ka hapësira sigurisht do të shikohen të gjitha mundësit brenda shkollës.

**Azmine Gjoka**, pres nga drejtori i Drejtorisë së Infrastrukturës Endrit Gllareva, me na dhënë një përgjigjeje për dy çështje që i kemi ngritur në mbledhjen e kaluar për atë të ujit dhe kanalizimit.

**Drejtori i Drejtorisë së Infrastrukturës Endrit Gllareva**, tha se, ne vazhdimisht jemi duke punuar në rrjetin e ujësjellësit normalisht që kemi shumë probleme një projekt që është punuar në vitin 2010-2015. Nuk është e lehtë me e rehabilituar kështu që ne rrjetin primar veç e kemi përfunduar. d.m.th ka mburritur uji në Shtuticë, Terstenik, Poklel, Korroticë, tash vetëm e kemi shpallë fazën tjetër lidhjet sekondare dhe shumë shpejt do të vazhdojmë edhe me rregullimin e rrjetit të ujësjellësit dhe mundemi me dhënë data, por jemi duke punuar në atë drejtim.

**Arben Shala** nënkryetar, zonja Terdevci disa shqetësime sa i përket shpronësimit të rrugës Gllabar – Komoran, dua të ju njoftoj se rruga është e shpronësuar edhe i kemi hartat, por ajo që tha zonja Terdevci nuk është e vërtetë.

**Egzona Terdevci**, unë e kam konfirmimin prej Ministrisë që nuk është kryer shpronësimi, kur të doni e vërtetojmë së bashku dhe i qëndroi mbrapa fjalës sime.

Mbledhja përfundoi në ora 13:18

*Me gjerësisht mbledhjen e rregullt të Kuvendit të Komunës së Drenasit të datës 29.11.2024 mund të ndiqni në ueb faqen zyrtare të Komunës, ose në rrjetin social të Facebook-ut dhe në kanalin YouTube <https://fb.ëatch/vT0-u9Aa6G/>.*


Procesmbajtëse:



Fakete Hoti



Kryesuesi i Kuvendit Komunal



Bekim Lestrani